

四庫全書考證

二一



舊



叢書集成

初編

王雲五 編者

商務印書館發行

國家圖書館典藏
由國家圖書館數位化

四庫全書考證



082.47
7437
21

四庫全書考證卷五十

子部

疑獄集

棠陰比事

齊民要術

廣治平略

救荒本草

農政全書

黃帝內經素問

衛濟寶書

醫說

普濟方

仁端錄

四庫全書考證

卷五十



11071

007491

四庫全書考證 卷五十

證治準繩

本草綱目

醫門法律

寓意草

蘭臺軌範

太元經

皇極經世書

天原發微



二〇七二

007481

疑獄集 五代和凝撰

卷二

黃霸戮三男條。漢宣帝時爲丞相。刊本脫時字。據漢書增。

卷十

光祖詰蛙條。實蛙於中。刊本實訛食。今改。

棠陰比事

宋桂萬榮撰

明吳訥刪補

傳令鞭絲條。掛絲于壁。鞭之。有少鐵屑。原本缺壁字。及鐵屑二字。並據南史補。
孫亮驗蜜條。問曰。旣蓋而復油紙覆之。無緣有此。原本脫問曰二字。據三國志增。

齊民要術

魏賈思勰撰

卷三

種葵注。人食落葵。爲狗所齧。原本狗訛荷。據博物志改。
荏蓼注。蕎虞蓼。原本蓼訛兼。據爾雅改。

卷四

種棗注。洗大棗。原本脫棗字。據爾雅增。
種李注。剝赤李。原本剝訛駁。據爾雅改。

卷六

養牛馬驢騾條。飛鳧見者怒。注。膂後筋也。原本膂後訛胸欲。據別本改。
養雞注。陽溝。巨鄆。古之名雞。原本名雞二字互倒。據爾雅改。
種芡法注。一名鴈喙。刊本闕喙字。據本草補。

卷七

貨殖條。貽鰲千斤。注。鰲音養。原本養訛軫。又旃席千具。原本席訛車。並據漢書改。

卷九

臠炙純注。以蜜一升。合和。時時刷之。原本蜜訛串。據別本改。
養醴法。令汁味淳濃。原本闕令汁二字。據別本補。
煮膠法。其脂芎鹽熟之皮。則不中用。注。無爛汁故也。原本故也訛砌巴。今改。

卷十

禾條。長五尋。大五圍。原本上五字訛大。大訛五。據山海經改。

柚條似橙而酢。原本而訛實。據說文改。
藤條江東呼爲櫪。原本脫櫪字。據爾雅注增。

廣治平略 崑山蔡方炳撰

卷一

歷代儀象條。日月本不圓也。望之所以圓者。去人遠也。刊本脫下圓字。據晉書增。

卷三

歷代疆域條。其澤藪曰泰。刊本脫泰字。據周禮及漢書增。又更取湟、鄯、廓三州。刊本鄯廓訛葑郭。據文獻通考改。

卷八

歷代儲訓條。用張良計招四皓輔太子。刊本張良訛陳平。據史記改。

卷九

兩漢相業條。願緩刑弛禁以慰民望。刊本弛訛地。據三國志改。

卷十

唐代諫納條。酺者。因人所利。合醪爲勸也。刊本勸訛灌。據唐書改。

卷十二

唐代官制條。初太宗省內外官。定制爲七百二十員。刊本百訛有。據唐書改。

卷十三

魏晉銓選條。魏初毛玠與崔琰並典選舉。刊本琰訛炎。據三國志改。

卷十四

兩漢考課條。匡衡自領計簿不能正。刊本匡沿宋諱作康。今改。

卷十五

兩漢薦辟條。延熹之處士豫章徐穉。彭城姜肱。刊本熹訛禧。據漢書改。

卷十六

周代國計條。四曰羞服之式。刊本羞訛修。據周禮改。

唐代國計條。失職未叙者食度支數千百人。刊本脫度字。據文獻通考增。

宋代國計條。歲入緡錢千六百餘萬。刊本百訛餘。據文獻通考改。

明代國計條。臨德淮徐四倉。每年運米四百萬石。刊本徐訛曹。據明史改。

卷十七

五代田賦條。清泰元年。以劉昫判三司。刊本昫訛昭。據五代史改。

卷十八

明代戶役。徐近海有鹽竈。刊本脫竈字。據明史增。

卷十九

漢代屯田條。浚溝渠。理隍陬。刊本理訛始。據漢書及文獻通考改。

宋代屯田條。吳玠治廢堰營田。歲收二十五萬石。刊本脫二字。據文獻通考增。

卷二十

三代農政條。家用足則市不成肆。謂之金與粟爭貴。刊本貴訛貨。據管子改。

宋代農政條。稼穡之艱難與小人之勞苦。刊本脫苦字。據歷代名臣奏議增。

卷二十一

周代錢幣條。三幣握之。非有補于煖也。刊本三訛二。據管子改。

唐代錢幣條。永平監官李郁彥。刊本脫彥字。據文獻通考增。

卷二十二

唐代鹽政條。籍游民業鹽者爲亭戶。刊本亭訛停。據文獻通考改。

元代鹽政條。武宗至大二年。每引增至大銀鈔四錠。刊本錠訛此。據元史改。

卷二十三

歷代關市之征條。三老北邊騎士輜車一算。刊本老北訛者。此據文獻通考改。

歷代山澤之征條。仁宗時。惜薪司賦棗于山東河南。以供宮中香炭之用。刊本惜訛折。據明史改。

卷二十四

唐代漕運條。淮南節度使杜亞。刊本亞訛佑。據文獻通考改。

元代漕運條。經黑水洋。至成山。過劉島。刊本水訛山。據元史改。

卷二十六

周代賑恤條。廩人數邦用。稽民食。刊本用訛周。據周禮改。

宋代賑恤條。郡中軍儲尙餘萬斛。宜以貸民。刊本脫斛字。據文獻通考增。

卷二十八

歷代樂制條。鄭音好濫淫志。刊本志訛色。據禮記改。

漢代律呂條。本起於黃鐘之長。以子穀秬黍中者。刊本脫鐘字。據漢書增。

卷三十

兩漢貢舉條。遣詣相國府署行義年。刊本脫年字。據前漢書增。

卷三十四

歷代訓練條。員半千進曰。師以義出。沛若時雨。刊本員訛袁。據唐書改。

卷三十五

歷代馬政條以茶與諸番易馬其法上馬茶百二十斤中馬七十斤刊本脫二十兩字據明史增。

卷三十七

帝王刑制條挾曰而斂之刊本挾訛案據周禮改。

宋代刑制條聽獄之限大事四十日中事二十日刊本上十字訛五據文獻通考改。

明代刑制條曰雜律曰捕亡曰斷獄刊本脫曰斷獄三字據明史增。

卷三十八

明代赦宥條編戍數年懲創既久刊本既久訛稅人據明史改。

卷三十九

明代弭盜條詔改提督給旗牌便宜行事刊本脫事字據明史增。

卷四十

宋代治河條鐵龍爪揚泥車法以濬河而用輒不效刊本脫車字據宋史增。

卷四十二

周易大義條李鼎祚之集解則取鄭而舍王刊本鼎訛弼據文獻通考及中興藝文志改。詩經大義條然則其學之也當柰何刊本脫當柰二字據朱子全集增。

禮記大義條取月令明堂位樂記三篇刊本脫位樂記三字據隋書經籍志增

卷四十四

邵子先天之學條乾南坤北與離南坎北之位不同也刊本下南字訛上據周易改

救荒本草 明周王朱橚撰

卷一

草部大藍條所謂箴馬藍是也刊本箴訛葳據爾雅改

卷二

鐵幹蒿條又似篇薺葉而短小刊本篇訛扁據爾雅改

卷三

牛妳菜條又似馬兜鈴刊本鈴訛零據本草綱目及羣芳譜改

卷四

回回米條一名贛注音紺刊本紺訛緝據證類本草注及廣雅注改

卷七

果部棗樹條邊腰棗一名細腰刊本一名訛云子據爾雅注疏改

卷八

菜部。莧菜條。一名馬莧。一名莫寔。案陶隱居名醫別錄。馬莧卽馬齒莧。與莧實名莫寔者異。此合爲一。誤。
農政全書 明徐光啓撰

卷四

小司徒條。四縣爲都。以任地事而令貢賦。原本而訛。以據周禮改。

卷十二

徐貞明請亟修水利條。昔禹播九河而溝洫之。原本九河訛河海。今改。

卷二十

耨條。耨柄尺。此其度也。其長六寸。原本長訛耨。據呂氏春秋改。

卷二十三

廩倉之別名條。倉黃亩而取之。故謂之亩。或從广。從禾。原本亩訛面。又广訛一。並據說文改。

卷四十

黃白軟良之地條。四把爲一束。原本把訛把。又束訛頭。並據齊民要術改。
農桑通訣條。朱孺子幼事道士王延正。原本延訛元。據羣芳譜改。

卷四十八

草零陵香原本香訛菜今改。

卷五十一

萎蕤條一名芡一名玉竹原本玉訛五據本草綱目改。

卷六十

烏藍擔條烏大也村人呼大爲烏原本村訛大今改。

黃帝內經素問 唐王冰注 宋林億等校

原序兼靈樞九卷注唐書藝文志謂之九靈刊本唐訛隋藝文訛經籍案隋志無九靈之目今據改。又今之奉行惟八卷爾注隋書經籍志載梁七錄亦云止存八卷刊本七訛士據隋書改。

卷一

上古天真論虛邪賊風避之有時注避之有時謂八節之日及太乙八徙立於中宮朝八風之日也刊本徒訛從立訛之並據馮應京月令廣義太乙所居九宮圖說改。

四氣調神大論此春氣之應注魚上冰刊本冰訛次據禮記改。又收斂神氣注和氣既傷則秋氣不平調也刊本調訛謂今改。

生氣通天論。因於暑汗。刊本汗訛氏。據本注改。又春傷于風。注。夏生飡泄。刊本泄訛油。據本書陰陽應象大論改。

卷二

陰陽應象大論。悲勝怒。注。宣明五氣篇。刊本氣訛藏。據本書目錄及後卷篇目改。又天地者萬物之上。下也。注。觀其覆載。刊本覆訛云。今改。

陰陽別論。二陽一陰。注。一陰謂心主及肝脈也。刊本肝訛用。據前少陰之前名曰厥陰。注改。

卷三

靈蘭秘典論。膽中。注。分布陰陽。故官爲臣使也。刊本分訛氣。據下文改。

六節藏象論。非其時則微。注。故非其時則微而且遲也。刊本遲訛持。據下文改。

卷五

脈要精微論。推而上之。注。是陰氣有餘。故腰足冷也。刊本陰訛陽。案下文頭項痛爲陽有餘。則知腰足冷爲陰有餘也。今據改。

卷六

平人氣象論。謂之新病。注。陽足氣全。故云新淺之病也。刊本云訛去。今改。

三部九候篇。血病。注。靈樞經曰。刊本樞訛桐。據原序及通志藝文略改。

卷八

通評虛實論。甘肥貴人。則膏粱之疾也。刊本脫甘字。據後卷腹中論注引此經文增。
釋文。陽明脈解篇。刊本陽明訛陰陽。又篇訛論。據目錄改。

卷九

刺熱篇。熱病先胸脅痛。注。丘虛在足外踝下。如前陷者中。刊本丘訛灸。據醫宗金鑑膽經表裏原絡穴圖改。

卷十

氣厥論。注。案全元起本。刊本元訛示。據唐書藝文志改。
欬論。此皆聚于胃。注。關於肺也。刊本關訛閉。據經文改。

卷十一

刺腰篇。同陰之脈。注。案太素小鍾作小鍼。刊本鍾訛中。據經文改。

卷十二

風論。胃風之狀。注。物不內消。刊本物訛陽。據上文改。

厥論。陰氣盛于上。注。陰謂足太陰也。刊本下陰下衍陽字。據新校本刪。

卷十三

大奇論年不滿二十者三歲死注氣方剛則甚費刊本費訛可據下文改

卷十四

刺禁論腎治於裏注心爲五藏部主故得稱部刊本下部字訛報據經文改

卷十五

氣穴論脈滿起斜出尻注尋此支給脈流注刊本注訛泳案此卽指黃帝流注脈經之督脈支絡也據隋書經籍志改

氣府論委中以下注今此所有兼亡者九十三穴刊本亡訛止據新校本改

卷十八

繆刺論邪客於手足少陰太陰足陽明之絡注足太陰脾脈刊本脈訛肺據醫宗金鑑改

卷十九

六微旨大論陽明之上注與太陰合故燥氣之下中見太陰也刊本燥氣訛氣燥據下文本

卷二十

五常政大論其果桃杏刊本果訛累今改

卷二十二

至真要大論願聞陰陽之三也何謂注又次爲厥陰刊本厥訛一今改又反者死注秋見數刊本數

訛政據新校本改。

衛濟寶書 宋人撰不著姓名

卷上

騎竹馬灸法一條。尾閭穴。原本閭訛間。今改。

卷下

正藥指授散。此藥本無名。因先生遇老人于山。自云姓徐。指而授之。乃號徐仙芝。原本遇訛愚。今改。

醫說 宋張杲撰

卷一

醫緩條。我居盲之上。汝居膏之下。案左傳無我汝二字。

卷六

服石發疽條。起度量。立規矩。原本起訛處。據史記改。

卷八

六氣六候條。雖良醫未之言也。刊本之訛知。據東坡志林改。

卷九

孫真人養生銘。亥寢鳴雲鼓。案雲養生祕要作天。

普濟方 明周王朱橚同撰

卷一

男女動靜說。觀常清淨經云。原本常訛嘗。今改。

五臟像位。肺名皓華。字虛成。號相傳之官。原本皓訛號。據內景經改。

手足十二經脈所屬圖。案之至骨舉指來疾者腎也。原本疾訛。即據難經改。

卷二

診四時脈及太過不及法。春脈微弦曰平。弦多胃氣少曰病。原本脫春脈微弦曰平六字。據難經增。

卷四

病機論。腎者主蟄封藏之官。原本脫官字。據內經增。

卷五

方脈藥性總論。不能瀉裏實。原本實訛食。今改。

卷七

甲子歲圖論。佐以甘辛。原本辛訛心。據靈樞經改。

丁卯歲圖論。民病暴仆振慄。原本仆訛不。據靈樞經改。

卷八

丙子歲圖論。先天水運臨子。是謂歲會氣之平也。原本也訛地。今改。

辛巳歲圖論。其背北其藏腎。原本背訛清。據靈樞經改。

卷二十二

延年草。邢和璞真人常服。原本邢訛耶。據唐書改。

卷二十六

肺臟門總論。故人一呼脈再動。原本再訛在。據素問改。

卷三十二

生薑丹。杵茴香入陶器內。原本陶訛勻。今改。

卷三十四

治多睡方。取白馬頭骨作枕枕之。原本脫馬字。據本草增。

卷三十七

烏魚骨丸。原本魚訛魯。今改。

卷三十九

神仙導水丸。牽牛末。原本牛訛子。據本草改。

卷四十七

天南星丸。木香。原本香訛宿。據本草改。

卷五十

三聖膏。右以馬鬃膏和搗三千杵。原本馬鬃訛爲雞。據本草改。

卷五十一

治年少氣盛面生疱瘡方。薺苳。原本苳訛苞。據本草改。

卷六十

白梅丸。生草麻。原本草訛草。據本草改。

卷六十四

治誤食髮令腹有蠱。昔甄立言仕唐爲太常丞。原本丞訛亟。今改。

卷七十二

枸荅丸。原本荅訛花。今改。

卷七十四

眼目門暴赤眼論。輕者無妨。甚者痛。原本妨訛方。今改。

卷七十五

風毒衝目論。積蓄日久。不能消散。原本脫久字。今增。

蕤仁散。每日一度點目。原本每下衍服字。又目訛心。並刪改。

卷七十六

洗眼方。忌五辛。驟馬。鷄。葷酒。原本辛訛年。今改。

卷七十八

復明膏。以一米粒。安大背頭避風。原本皆訛角。今改。

卷八十一

目見黑花飛蠅論。看物不真。用藥補五臟。原本訛作看物針藥。子補宜五臟。今改。

卷八十七

諸風門總論。惟其不知而妄用。以致傷生。是失內經之旨故也。原本傷訛陽。失訛矣。今並改。

卷八十八

三陽湯。惡寒不汗而煩。原本脫寒字而字。今並增。

卷九十三

中風身體不遂論。脾候身之肌肉。原本身之二字互倒。今改。

卷九十四

安胃湯。日久心氣虛。中風邪。原本氣虛中訛中虛氣。今改。

卷九十五

石髓丸。治風內襲。舉動步履不穩。原本襲訛補。今改。

卷九十九

癩癩論。多因挾熱夾驚。心動膽懾。鬱涎流入心之所致也。原本夾訛著。懾訛攝。流訛涎。今並改。

卷一百二

大竹瀝湯。但口不得開。項背強反折。原本項背訛劇皆。今改。

卷一百六

大八風湯。或毒氣下注。原本訛作毒弱不注。今改。

卷一百八

楓香洗湯。乘熱洗病處。原本訛作香冷熱病上。今改。

卷一百九

大風癩病論。或起或滅。此等皆癩之兆。原本癩訛痛。今改。

卷一百十

得效方。取汁先洗頭面之上。原本脫洗字。今增。

卷一百十一

治白癩方。或蝮蛇一條及他蛇亦得。和傅上。當有蟲如馬尾出。原本和傅上訛燒坐其。有訛亦。今並改。

卷一百十三

急風散。腰爲反折。口噤不語。手足抽掣。原本折訛哲。又脫口字。噤訛近。掣訛製。今並增改。

卷一百二十二

傷寒門傷寒方藥論。邪初入裏。未有定處。原本訛作邪氣自表。未欲爲寔。據仲景論改。

卷一百二十九

辨不可發汗。虛而寒慄。欬而發汗。原本慄訛懷。又脫欬字。今並改。

卷一百三十五

陰毒論。入六腑則身熱不時。原本脫入字。今增。

卷一百三十九

傷寒咳嗽論。小柴胡湯所主爲陽邪入裏。原本脫裏字。今增。

卷二百十二

泄痢門。伏龍肝湯。生櫛律。原本櫛律訛櫛脈。今改。
阿膠丸。面色萎黃。原本萎黃訛萋色。今改。

治久痢勞痢。空心下數丸。極效。原本脫數字。今增。

卷二百十三

休息痢論。腸胃虛弱。易爲冷熱所傷。原本所傷訛雅。其。今改。
附子丸。右先將附子爲末。原本末訛如今改。

卷二百十四

小便淋祕門。飲子方。白茅根。原本茅訛芽。今改。
下淋以霹靂礮磨服之。原本礮訛針。據本草改。

卷二百十五

立效散。於理甚明。不復詳解。原本復訛傷。解訛臥。今並改。

卷二百十六

海蛤丸。三焦積熱。氣不得通。原本得訛宜。今改。

卷二百十七

諸虛門總論。症狀非一。當攷脈尋理。原本一訛亦。又不能無損益矣。原本脫損字。今並改增。

卷二百十八

交感丹。此方安心志。原本安訛志。今改。

卷二百二十四

九子丸。遠志注。利九竅。益智智慧。原本智慧訛意惠。今改。

卷二百二十五

膈肭臍。寧神益智。原本脫寧字。今增。

卷二百二十六

人參固本丸。四味互相資助。原本資助訛該載。今改。

卷二百二十七

虛勞門。附論。嗽喘者不可妄施發散。原本發訛法。今改。

卷二百二十九

種乳散。川椒注。去目并閉口者。原本閉訛支。今改。

卷二百三十

炙肝散。治冷勞羸瘦不能食。原本脫食字。今增。

卷二百三十一

人參補肺散。咳嗽氣喘不接。原本喘訛所。今改。

仙人肢丸。松花膏子。原本膏子訛臺下。今改。

卷二百三十二

熟地黃散。不能飲食。食即多汗。原本脫一食字。今增。

卷二百三十四

鼈甲煎丸。以頭醋三升煎。令稠後入諸藥。原本後入訛然後。今改。

卷二百三十五

勞療門。虎牙丸。秦芫。原本芫訛膠。據濟陰綱目改。

卷二百三十七

屍疰門。祛邪飲。將息七日後。用溫藥補之。原本溫訛勞。今改。

卷二百三十八

五香丸。但取三兩服。原本服訛行。今改。

卷二百三十九

諸蟲門。蒼朮澤瀉丸。胃爲三焦。原本胃訛勝。據內經改。

治熱病。蝮毒。以泥作小嬰。原本嬰訛兒。今改。

卷二百四十

脚氣門附論何氣所感治以佐使之藥原本訛作何氣宣之因佐使以藥今改。

卷二百四十三

金牙酒治風冷原本訛最爲療今改。

卷二百四十五

獨活湯用龍蔡代之原本脫蔡字今增。

卷二百四十七

癩疔門治膀胱疔氣和入湯服原本和訛不今改。

卷二百四十九

元鈴丸專一發散而無疎導之害原本害訛言今改。

卷二百五十三

諸毒門治水毒中人原本毒訛中今改。

卷二百六十四

服餌門太極真人青精乾石髓餃法其斤兩寧少無多原本脫多字今增。

卷二百六十五

白金丹。旋以煖水添之。原本脫水字。今增。

伏火元石櫃靈砂丹。冬月可以履冰雪。原本月訛日。可以訛炎毒。據上文改。

卷二百六十七

諸方香煎門。神仙不老湯。後還襄陽。壽至九旬。原本還訛遠。今改。

卷二百七十二

諸瘡腫門。治瘡腫。除膿血。生肌膚。原本脫生字。今增。

卷二百七十三

諸疔瘡論。皆舒豁心經之劑也。原本心上衍之字。今刪。

卷二百八十二

癰疽門總論。名肺俞穴。此穴宣泄背上諸陽。原本名肺俞訛各熱腑。今改。

卷二百八十七

治附骨疽及冷癭一方。津調八孔中。原本一上衍之字。津下脫調字。並據別本刪增。

卷二百九十一

瘰癧門。輕粉丸。夏枯草。原本夏枯訛坐拏。據本草改。

卷三百十八

婦人諸疾門。小柴胡丸。芒硝大黃湯。脈沈而數即可下。原本即可訛不之。今改。

卷三百二十五

乾臙散。真樺皮。原本樺皮訛梔子。據後方改。

卷三百四十一

妊娠諸疾門。冬葵子散。原本訛作車前子揚。據下藥方改。

卷三百五十一

產後諸疾門。治產後腹中激痛。當歸四兩。注。畏菖蒲海藻。原本畏訛晨。今改。

卷三百五十三

虛渴論。多食辛辣。原本辣訛棘。今改。

卷三百五十五

白茯苓散。四肢厥逆。不時躁渴。原本厥逆訛躁渴。今改。

卷三百七十六

石室紫葍神丸。特生譽。原本特訛時。據本草綱目改。

卷三百七十七

代赭丸。天漿子。注。內有蟲者妙。原本蟲訛物。據本草綱目改。

卷三百九十二

前胡散。原本前下衍柴字。據後方刪。

卷四百十八

鍼灸門。治氣陽說條。去根及葉。惟存白。長二寸計。原本葉訛藥。今改。

仁端錄 明徐謙撰

卷一

經絡傳注時候條。足之三陰。從頭下走至足上。原本陰訛陽。據難經改。
人身氣血條。辰時注足陽明胃經。原本脫足字。據張仲景傷寒論增。

卷二

陰陽氣血論。陽衰則陰長也。原本衰訛生。據上文改。

卷四

痘毒非火不發條。曰裏實。曰裏虛。原本裏並訛理。據上文改。

卷五

一熱便出條。煎調紫草膏。原本草訛車。據本方改。

卷六

四圍起中心落陷條。用人參白朮散合奪命丹。原本合訛命。今改。

卷七

溫疤番癩條。復灌手足方直而不屈如筆。或屈而不直如磬。原本上如字訛。或又脫或字。下如字訛。而今並改。

收痲發熱條。此雖似虛。而毒亦未盡也。原本雖似訛虛。雖今改。

卷九

痘疹雜證論。是緩則治其本也。急則治其標也。原本脫本標二字。據難經增。

卷十

陰逆門。因有渣滓。自直下賁門。原本賁訛貢。據難經改。

卷十一

脾疳門。不食者爲虛。原本食訛實。據上文改。

卷十二

厥逆條。便祕者用三一承氣湯。原本便訛保。今改。

卷十五

疥癬門。犀角解毒湯。原本湯訛渴。今改。

卷十六

疹後熱毒入胃條。五靈脂。原本靈訛苓。據本草改。

證治準繩 明王肯堂撰

卷三

寒熱門。瘧條。浮大者可吐之。案之下。脈訣有微則爲虛四字。

卷六

呃逆門。承湯氣。丹溪治超越陳氏。原本超訛之。據後文改。

卷七

諸血門。咳嗽血條。肺傷氣壅所致。原本肺訛脈。據脈經改。

卷八

諸痛門。腹痛條。苦楝湯。原本楝訛鍊。據本草綱目改。

卷三十一

大小腑門。五仁丸。原本仁訛二。據醫宗金鑑改。

卷四十三

傷寒門眩條。茯苓桂枝白朮甘草湯。原本脫草字。今改。

卷五十

春爲溫病條。按語。四時皆有之。不獨春時而已。原本脫春字。今增。

卷六十

女科頭痛條。手太陰頭痛有疾。原本陰訛陽。據薛新甫良方增注改。

腰脚疼痛條。敗龜散。原本龜訛骨。今改。

卷七十三

慢驚條。芎藭散。油珠膏。累累取效。原本脫效字。今增。

卷一百十九

外科。治金瘡腸出條。唐安金藏剖腹。用此法立效。原本脫金字。據唐書增。

卷一百二十

治七十二般蟲咬傷人。原本般訛穀。據朱肱活人書改。

卷一上

引據古今醫家書目。東垣此事難知。刊本東垣訛海藏。據本卷用藥法象注改。
海藏陰證發明。刊本闕證字。據湯液草本注補。

孟詵補養方。刊本孟下衍氏字。又復衍詵字。並據食療本草注刪。

卷二

藥名同異條。苦職。刊本職訛識。據爾雅改。

卷三上

百病主治藥暑條。人參。注。大汗痿躄。刊本闕痿字。據證類本草補。

卷四中

疥癬條。青葙葉。刊本葙訛箱。據魏志裴松之傳改。

卷五 水部

夏冰條。釋名。凌。注。固陰。沍。寒。刊本固訛涸。據左傳改。

卷六 火部

炭火條。集解。陽氣至則土重。陰氣至則炭重也。刊本陽陰二字互訛。又土訛上。並據淮南子及後漢書改。

卷八 金石部

鉛條集解鐵戀于磁而死于鉛刊本闕戀字據別本補

卷十一

食鹽條釋名齏注廣韻云天生曰鹵人造曰鹽刊本廣韻訛爾雅造訛生今改又集解賓客供其形鹽散鹽王之膳羞供飴鹽刊本脫散鹽二字又飴上行其字並據周禮增刪

消石條發明飲以葚藹藥一撮刊本藹訛宕又出血如豆比五六枚而安刊本脫如字並據史記倉公傳改增

附錄諸石黑石華注生不其勞山陰石間刊本不訛弗據漢書地理志改

卷十二上

人參條集解沁州遼州刊本沁訛心據漢書地理志改

薺苳條集解似蘇有毛刊本毛訛色據爾雅注改
萎蕤條集解根大如指刊本脫根字據爾雅注增

卷十二下

狗脊條集解凡使狗脊勿用透山藤根形狀一般刊本藤訛形據證類本草改

貫衆條釋名百頭注又名虎卷扁苻刊本苻訛府據爾雅疏改

遠志條集解蔓繞蕨蕘刊本蕨蕘訛棘苑據爾雅改

丹參條。主治去心腹痼疾結氣。刊本痼訛痛。據證類本草改。
白頭翁條。集解。生嵩山山谷。刊本嵩訛高。據證類本草改。

卷十三

芑胡條。主治胸中邪逆五臟結氣。刊本逆訛氣。據證類本草改。

卷十五

苧麻條。集解。陸璣草木疏。刊本璣訛機。今改。

惡實條。風熱癰疹方。注。初虞世古今錄驗。刊本初訛幼。世訛氏。據本書醫家書目改。
黃麻條。集解。案段成式酉陽雜俎云。刊本脫式字。今增。

卷十八

地黃條。釋名。地隨。注。芑以沈下爲珍貴。刊本爲珍二字互倒。今改。

卷十七上

附子條。少陰發熱方。注。麻黃附子細辛湯。刊本闕麻黃二字。據別本補。

卷十八上

菟絲子條。集解。多附田中草被纏死。或生一葉開花結子。刊本闕一字。據別本補。

卷十八下

赭魁條集解。大者輪困如升。刊本闕困字。據吳都賦補。

忍冬條。忍冬酒方注。陳自明外科精要。刊本自訛白。據本書目改。

卷二十

石長生條集解。今市人用露筋草爲之。刊本露訛脆。據圖經本草改。

卷二十一

烏韭條附錄百藥草。刊本錄訛方。據本書目錄改。

名醫別錄。蒲陰實。刊本蒲訛滿。據本書目錄改。

卷二十二 穀部

油條。麻姑餅注。亦周禮草人疆藥用蕒之義。刊本疆藥訛強堅。據周禮改。

卷二十三

梁條集解。釀酒甚清美。刊本清美訛消玉。今改。

卷二十五

飴餈條。發明邢曹進河朔健將也。刊本邢訛刑。據集異記改。

醬條。主治中砒毒。調水服。卽解。注出袖珍方。刊本袖訛時。據本書書目改。

酒條。愈瘡酒方注。齊民要術。刊本術訛略。今改。

卷二十六 菜部

蒜條。發明李延壽。刊本延訛廷。據南史改。

蕪菁條。釋名。諸葛菜。注。溪蠻叢笑。刊本笑訛話。今改。

蔞菜條。釋名。辣米采。注。則蔞乃蔞字之訛爾。刊本蔞訛蔞。據上改。

卷二十七

荇蕒條。集解。葶蔞謂之箆。刊本闕箆字。據爾雅補。

薯蕷條。集解。苗生以竹梢作援。高一二尺。刊本以訛似。今改。

卷二十八

榆耳。刊本耳訛木。今改。

卷二十九 果部

杏條。發明。今刪其紕謬之辭。刊本紕訛秕。今改。

棗條。反胃吐食方。注。斑蝥案斑。說文及博雅俱作蝥。此從神農本草及名醫別錄。

卷三十

君遷子條。釋名。紅藍棗。注。古今注云。刊本注訛江。今改。

金橘條。集解。劉恂。刊本恂訛恂。據嶺表錄改。

卷三十一

荔枝條集解夷堅志云刊本夷堅二字互倒今改。

卷三十二

蜀椒條釋名漢椒注日華刊本華訛革據本書目錄改。

卷三十三

石蜜集解易消化入藥至妙刊本妙訛少今改。

卷三十四 木部

桂條氣味注元素曰刊本素訛毒據本書目錄潔古珍珠囊改。

雞舌香條乾霍亂痛方注不瘥更服刊本服訛作今改。

董陸香條咽喉骨哽方注衛生易簡方刊本易簡訛月筋據本書目錄改。

卷三十五上

漆葉條發明得壽二百歲刊本壽訛歲今改。

梧桐條集解從下數一葉爲一月刊本數訛敷又下一字訛二並據陸璣詩疏改。

卷三十五下

無患子集解核堅正黑如豎刊本豎訛豎今改。

訶黎勒條。發明以其味苦而性急。刊本味訛殊。今改。

巴豆條。氣味注。岐伯桐君。刊本君訛居。據桐君黃帝時臣。今據本書目錄改。

卷三十六

桑柴炭條。洗青盲眼方。注。澄取極清。稍熱洗之。刊本熱訛熟。據下文改。

卷三十七

茯苓條。集解。蓋年淺未堅。故爾。刊本闕未字。據別本補。

松蘿條。發明。杜蘅。刊本杜訛牡。據楚辭改。

卷三十八 服器部

禪襠條。發明。陰陽易病。身體重。少氣。刊本闕氣字。據張仲景傷寒論補。

卷三十九 蟲部

白殭蠶條。大頭風。小兒驚風方。注。以蒜逐箇放地上磨成膏。刊本闕蒜字。據上文補。

卷四十

蠟條。集解。蠟有雌雄。雄者螫人。痛止一處。用井泥敷之。刊本脫一雄字。據上文增。

蟻條。集解。壅土成封。曰蟻封。又曰蟻蛭。刊本又曰訛曰及。今改。

卷四十一

蟻蟲條。主治心腹寒熱洗洗。注。音洒。刊本闕洒字。據素問補。

卷四十三 鱗部

蚺蛇條。集解。食馬吞鹿。刊本馬訛灰。據顧玠海槎錄改。

卷四十四

黃網魚條。集解。狀似白魚而頭尾不昂。刊本闕頭尾二字。據別本補。

卷四十五 介部

蟹條。集解。六足者名螭。音詭。刊本闕螭字。又詭訛螭。並據說文補改。

卷四十六

田羸條。集解。月毀于天。蚌消于淵。刊本闕蚌字。據論衡補。

卷四十七 禽部

鵝鶩條。釋名。鶩。鶩。注。說文作禿鶩。刊本闕鶩字。據說文補。

卷四十八

雞條。集解。黃昏獨啼者。主有火患。刊本火患訛天恩。據上下文改。

卷四十九

治鳥條。附錄。獨足鳥。注。獨足文身。刊本闕文字。又惟食蟲豸不食羊者也。刊本闕豸字。並據臨海志補。

卷五十一下 獸部

驢皮條。牛皮風癰方。注。李樓奇方。刊本奇訛育。據本書目錄改。

卷五十一上

虎骨條。休息痢疾方。注。張文仲方。刊本文訛大。據本書醫家書目改。

狸條。釋名。野貓。注。其足蹠。其跡。夙音鈕。指頭著地處也。刊本脫指頭二字。據爾雅注增。

卷五十一下

鼠條。集解。衛生家寶方。刊本寶訛實。據本書目錄改。

醫門法律 國朝喻昌撰

卷二

損分五藏條。火中不可無水。無水則陽勝而熱病起。刊本脫下無水二字。又勝訛病。今並增改。

卷四

白通加豬膽汁湯。葱白。刊本葱訛莖。今改。

卷七

喝者中暑之稱條。淮南子。陰喝人於樾下。刊本淮南子訛左傳二字。據淮南子改。

卷九

瘡多寒者名曰牡瘡。刊本牡訛壯。今改。

卷十二

虛勞之疾條。元明粉桃仁泥韭汁之屬。刊本韭訛非。今改。

寓意草 國朝喻昌撰

卷二

陸平叔條。傷寒欲再傳經者。刊本傳訛作。據張仲景傷寒論改。
陸令儀條。於補脾藥中少加阿膠以潤燥。刊本補脾訛清肺。據上文改。

蘭臺軌範 吳江徐大椿撰

卷五

黃土湯。先便後血。此近血也。刊本近訛遠。據外臺改。

卷七

解休。刊本休訛俠。據素問改。

卷八

五臟瘡疹症。治卽用百祥丸。刊本詳訛。詳據錢氏直訣改。

太元經 漢揚雄撰

卷一

中次五測詞。註宜天位也。刊本宜訛於。據趙如源本改。

中次七註。萬物當成就業。刊本物下衍物字。據漢魏叢書本刪。

周次二註。爲天扛抽案抽字。疑軸字之訛。又檢趙如源大扛抽作樞紐。但本書卷末有扛字釋言。似作扛軸。爲是。今仍之。

童次三註。不能行以求覺己之蒙。刊本脫以字。覺訛意。並據趙如源本增改。

增一方二州二部一家。刊本二部訛三部。據卷首元圖及晁說之易元星紀譜改。

增上九詞。賴彼峽嶧。刊本峽訛峽。據卷末釋音及司馬光傳家集讀元篇改。

卷二

爽初一測詞。動以退也。刊本訛退以動也。據本註及趙如源本改。

爭次二註。爲火所燥。刊本脫爲火二字。據趙如源本增。

務次六測詞註。奉之以敬。刊本敬訛數。據趙如源本改。
務次七註。攸所也。刊本攸下衍攸字。據漢魏叢書本刪。

卷三

斷初一測詞註。修內表外。刊本脫外字。據趙如源本增。

斷次三註。故爲疑。刊本疑訛鼻。據經文及漢魏叢書本改。

斷次六註。所斷不當。刊本訛所當不斷。據趙如源本及漢魏叢書本改。

毅次四詞。其言柔且毅。刊本言訛人。據漢魏叢書及趙如源本改。

毅次四註。柔不失剛。剛不失柔。刊本訛柔失乎剛。剛失乎柔。據漢魏叢書及趙如源本改。

裝次二註。遇冰則困。刊本遇訛過。據漢魏叢書及趙如源本改。

衆次四測詞註。四稱公侯在師之中。而如鷹揚。刊本四訛口。如訛始。據趙如源本改。

衆次七詞註。竊視稱睚。刊本視訛親。據說文及趙如源本改。

蜜次四詞註。然相克害。刊本相訛指。據趙如源本改。

疆次二詞註。君子將仕。刊本仕作事。據趙如源本改。

卷四

迎次三註。事之妖祥。刊本事訛雖。據漢魏叢書及趙如源本改。

竈初一詞竈無實刊本脫實字據漢魏叢書及趙如源本改。

大本詞陰虛其內陽逢其外物與盤蓋註陰氣在內刊本訛陰夜其內據漢魏叢書及趙如源本改。

大次二註身未升階刊本未升訛升未據趙如源本改。

大次三註故成其大也刊本訛大利爲大也據趙如源本改。

禮次四註孔雁鳥之知禮者刊本脫雁字據本經文增。

逃註中下象遯卦刊本下訛中象上行亦字據晁說之易元星紀譜及趙如源本改。

逃次三註故鞭馬而去之也刊本鞭馬訛馬鞭據漢魏叢書及趙如源本改。

皇極經世書 宋邵雍撰

卷五上

甲午商王河亶甲八年刊本脫亶字據史記增。

卷六上

拔十五城以絕太行路刊本絕訛繼據通鑑改。

都卽墨刊本都訛徒據通鑑改。

九江王英布爲淮南王刊本脫江字據史記增。

壬申復巡太山。刊本巡訛泰。據漢書改。

劉邵爲司徒。刊本邵訛劭。蓋沿漢紀之誤。今據後漢書及通鑑改。

卷六中

自爲成相都督中外。刊本自爲二字訛利字。據晉書改。

卷十二

飛木物者性形也。刊本脫物字。又者下衍也字。今並增刪。

天源發微 宋鮑雲龍撰 明鮑寧辨正

卷首

六律六呂圖。仲呂隔八上生黃鍾。刊本黃訛林。今改。

卷二上

衍五篇。金無水則縮。刊本縮訛宿。今改。

精之盛者濕之極。故爲木爲肝爲視。刊本木訛目。今改。

卷二下

太隅篇。禺中日出。刊本禺訛隅。今改。

卷三上

少陽篇房與歲星相經緯以屬靈威仰之神刊本靈威二字互倒今改。

卷四上

卦氣篇姤又爲九金刊本姤訛姤據太元經改。



四庫全書考證卷五十一

子部

唐開元占經

焦氏易林

星命總括

法書要錄

唐朝名畫錄

宋朝名畫評

益州名畫錄

圖畫見聞志

林泉高致集

墨池編

宣和書譜



四庫全書考證 卷五十一

書苑英華

趙氏鐵網珊瑚

珊瑚網

墨池瑣錄

繪事微言

御定佩文齋廣羣芳譜



一一一〇

唐開元占經唐瞿曇悉達撰

卷一

天體渾宗條。漢周于天而無列焉。思次質也。原本列焉訛別爲質訛次。據昭補後漢書志改。

卷三

天裂條。晉惠帝元康二年八月庚午。天中裂爲二。案元康二。晉書天文志作大安三。

卷四

地數條。豎亥左手把策。右手指青丘。案山海經作右手把算。左手指青丘。

地陷條。殿前陷方五尺。深數丈。中有破船。原本破下衍本字。據文獻通考刪。

卷五

日名體條。故日中有三足鳥。原本脫足字。據釋史增。

卷六

日中有雜雲氣條。荆州占曰。日中有黑氣。注太元十三年二月庚子。日有黑子。原本脫太元二字。據文獻

通考增。

日並出條。堯之時十日並出。原本脫十日二字。據淮南子增。

卷八

日暈而冠帶條。高宗日傍氣圖曰。日暈一背。注。日暈有背璫。原本璫訛猶。據文獻通考改。

卷九

日薄蝕條。闕然不見其壞。有食之者也。原本脫者字。據穀梁傳增。

洛書曰。日蝕不祥。注。去衛地。如魯地。原本如訛而。據左傳杜注改。

京氏曰。日蝕王爲君。注。左校尉耿夔等征匈奴。原本左校尉耿夔訛騎都尉射憂。據資治通鑑改。

荊州占曰。日食當其國。注。愍帝建興五年十一月。先晦二日。丙子。日有食之。原本五訛元。據晉書改。

日蝕後左右起周蝕四傍條。河圖曰。日青黑以旁蝕之。注。漢武帝元狩元年。原本狩訛光。據漢書改。

日食旣條。京房妖占曰。日蝕盡。注。周桓王十一年七月。日食旣。原本桓訛宣。據春秋改。

卷十

日四時蝕條。公問梓慎曰。是何物也。原本也訛曰。據左傳改。

救日蝕條。大夫擊門。士擊杵。案杵。穀梁傳及禮記疏俱作柝。

卷十二

月與五星相犯蝕條。熒惑入月中。注。宣帝地節元年正月戊午夜月食。原本脫年字。正訛五。並據文獻通

考增改。

河圖常覽嬉曰。月犯填星爲亡地。注。月蝕。填星在輿鬼西北八九尺。原本脫北字。據文獻通考增。

卷十三

月犯昴條。郗萌曰。月犯昴。注。月犯昴北第四星。原本脫昴字。又四訛一。據文獻通考增改。

卷十五

月重暈條。七重。天下易主。注。漢高祖七年。月暈圍參昴七重。案昴。文獻通考作畢。

月暈角條。月行天門暈三重。注。以問戴洋。原本戴洋訛載澤。據晉書改。

卷十六

月暈石氏中宮條。月暈北斗再重。注。魏黃初四年十一月十七日有此。原本脫四字。據三國志增。

卷十七

救月蝕條。謫見于天。月爲之食。原本脫月字。據禮記增。

卷十九

四星相犯條。荊州占曰。四星若合于一舍。注。晉孝懷帝永嘉六年。原本永訛和。據宋書改。又孝武太元

十九年十月癸酉。太白填星。熒惑辰星合于氏。原本脫辰星二字。又氏下衍房字。並據文獻通考增刪。

卷二十二

太白與辰星相犯條。郗萌曰。太白與辰星合。注。孝殤元興元年閏七月辛亥。原本脫七字。又亥訛卯。並據

文獻通考增改

卷二十三

歲星行度條。歲行三十度十六分度之七。原本之下衍一字。據史記刪。

歲星盈縮失行條。歲星當居而不居。注。晉襄公二十八年。梓慎曰。原本襄訛哀。梓訛許。據左傳改。

卷二十八

歲星犯太微條。荊州占曰。歲星入太微。注。孝桓延熹九年。原本熹訛嘉。據通鑑改。

卷二十九

歲星犯芻蕘。原本蕘訛蒿。據宋書改。

卷三十一

熒惑犯房條。荊州占曰。熒惑守犯凌房。注。孝和永元五年九月。火犯房北第一星。原本元五訛平元。據後

漢書改。

卷三十六

熒惑犯太微條。郗萌曰。熒惑犯太微。注。撫軍將軍殷孝祖爲南賊所殺。原本脫撫字。據通鑑增。

卷四十一

填星犯畢條。甘氏曰。填星守畢。注。九真太守杜慧度。原本度訛期。據通鑑改。

卷四十三

填星犯軒轅條。巫咸曰。填星行犯守軒轅。注。晉穆帝升平二年十二月辛卯。原本脫十字。據文獻通考增。
焦氏易林 漢焦贛撰

卷一

乾之坎。黃鳥來集。刊本集訛葉。據鍾惺本改。

坤之蒙。城上有烏。刊本烏訛馬。據本卷比之睽改。又遯。鷓鴣破斧。邦人危殆。刊本斧訛府。據後卷革之

歸妹改。又震。三年生狗。以戍其母。按以戍其母。鍾本作以成戍母。

屯之乾。汎汎栢舟。流行不休。刊本休訛行。據後卷咸之大過改。又噬嗑。陳媯敬仲。兆興齊善。刊本兆訛

北。據後卷遯之姤改。又家人。開示不已。蒙受大福。刊本示訛衣。已訛見。並據鍾本改。又未濟。愛我

嬰女。牽衣不與。刊本愛訛受。據後卷大過之咸改。

蒙之師。稍得其幾。與道符合。刊本稍訛科。據鍾本改。

訟之履。樹耘壹豆。不得耘耨。按耘壹。鍾本作植藿。又震。天地配享。六位光明。刊本六訛五。據本卷謙之

大有改。又既濟。湛露之恩。使我得權。刊本權訛懼。據鍾本改。

小畜之訟。蝮蛇循流。東求大魚。刊本求訛水。據鍾本改。又師。周公所祖。襄適荆楚。刊本祖訛祝。據左傳

改。又晉牛驥同堂。郭氏以亡。刊本驥訛騎。據大畜之恒改。

履之豫。泥塗至腹。處無黍稷。刊本泥訛紀。據鍾本改。又睽雀行求粒。暮歸喔嚙。案喔嚙。鍾本作呼乳。

又夬。宣王飲酒。以告嘉功。刊本嘉訛家。據後卷鼎之隨改。又未濟。一鳥兩雄。客勝主人。刊本雄訛雛。據鍾本改。

泰之噬嗑。凌人墮怠。雹火爲災。刊本凌訛令。雹訛庖。并據本卷蠱之未濟改。又鼎。退止我足。無出國域。

刊本域訛城。據後卷觀之小過改。

同人之小畜。顯眉之憂。不得所歡。案歡下鍾本有長思憂嘆四字。又既濟。聞虎不悻。向我笑喜。刊本悻

訛悻。據鍾本改。

大有之蒙。懷憂小愧。亂我魂氣。刊本懷訛懼。據鍾本改。又井。光禮春成。陳倉雞鳴。刊本倉訛項。據後卷

賁之夬改。

謙之師。邦傑載復。送至東萊。刊本邦訛拜。據鍾本改。

豫之豐。倉唐奉使。中山以孝。刊本唐訛皇。據新序改。又旅。樂不勞苦。汶山蹲鷗。刊本汶訛文。據史記改。

隨之家人。澤臯之上。從高而處。刊本臯訛高。據本卷臨之節改。

卷二

觀之否。歲藏時節。人保安寧。刊本保訛不。據鍾本改。又无妄。蝸螺生子。深目黑醜。刊本蝸訛蟻。據後卷

遜之剝改。又恒春早榮華。長女宜夫。案早鍾本作草。

噬嗑之需。三聖成功。仁德大隆。刊本隆訛降。據前卷師之節改。

賁之咸。樹柱闔居。失其正當。案居鍾本作車。又解南山之蹊。真人所遊。刊本真訛其。據前卷否之豫改。

剝之漸。軍鼓振。吏士苦。案苦鍾本作恐。

復之師。極行疾至。以厭飽食。刊本行訛其。據後卷損之咸改。又家人。萬神攸同。可以安處。綏我兒齒。刊

本兒齒二字互倒。據本卷大畜之大壯改。

大畜之无妄。不宜杜公。與我爭訟。案杜鍾本作林。又益。南箕無舌。飯多沙糠。刊本糠訛糖。據後卷小過

之比改。

大過之姤。子般鞭犖。圉人作患。刊本犖訛草。據左傳改。

離之蹇。金玦玩好。衣爲身賊。刊本玦訛瑛。據國語改。

卷二

咸之明夷。申酉脫服。牛馬依息。案依鍾本作休。

大壯之比。深不可涉。絕世之比。案世之鍾本作无以。

晉之師。竟然唯諾。敬上尊客。案堯鍾本作曉。又頤。踰行竊視。有所畏避。刊本踰訛陟。據後卷艮之大畜

改。又鼎。五銳鐵頤。倉庫空虛。案五鍾本作玉。

明夷之復。譌言妄語。轉爲註誤。不知狼虎。刊本虎訛處。據鍾本改。又遯州犂奔楚。去其邑鄉。刊本犂訛。吁。據前訛大畜之同人改。又旅管仲遇桓。得其願歡。刊本仲訛叔。據後卷豐之困改。

睽之井。井堙木刊。注刊疑當作利。案井堙木刊。見左傳。此注當作利誤。

蹇之比。送我季女。至于蕩道。刊本至訛瑩。據後卷困之訟改。又小過六目睽。案目。鍾本作月。

解之履。公云于南。姬言還北。刊本于訛子。據鍾本改。又遯福祉未成。市買無贏。案未。鍾本作來。

損之蒙。四手共身。莫適所圖。刊本圖訛國。又復王母誰子。但自勞苦。刊本王母訛手無。並據鍾本改。

益之屯。使布五教。刊本教訛穀。據本卷蹇之大過改。又大過數驚驚鳥。爲我心憂。刊本驚訛蟄。據本卷

解之夬改。

卷四

升之恒。至虞夏國。與舜相得。刊本得訛傳。據鍾本改。

困之隨。河活百里。案活。鍾本作闊。

井之解。井渚有悔。渴蜺爲怪。刊本渚訛者。據鍾本改。又漸黃虹之野。賢君所在。刊本虹訛蛭。據本卷中

孚之乾改。

鼎之謙。載受福喜。刊本喜訛善。據鍾本改。又隨吉日車攻。田弋獲禽。刊本日訛月。獲訛雙。並據前卷履

之夬改。又益坐朝隨軒。據德宰民。刊本據訛探。據前卷離之屯改。

良之姤。操笥搏狸。荷弓射魚。刊本弓訛射。據鍾本改。
歸妹之否。去河三里。案三鍾本作千。

旅之蒙。封豕溝瀆。灌潰國邑。刊本豕訛豕。據天官書改。又復。茹芝餌黃。滄飲玉英。與神流通。長無憂凶。
刊本滄訛塗。又流通二字互倒。並據前卷觀之噬嗑改。又益。酒酸魚敗。衆莫貪嗜。刊本嗜訛噴。據本
卷鼎之解改。

兌之剝。踐土葵丘。齊晉受福。刊本晉訛魯。據本卷巽之大壯改。
節之未濟。鳴雌深步。寡宿獨居。刊本步訛涉。據鍾本改。

中孚之履。日昃之後。見吾伯姊。刊本昃訛映。據前卷益之需改。
既濟之鼎。祭仲子突。要門逐忽。刊本祭訛蔡。忽訛急。並據左傳改。

星命總括 遼耶律純撰

卷上

太陰九行說注。以上五行係月所經由之地。以此推其黃黑道。如太陽則從月火。冬則從水論。原本冬作
度。今據諸星書改。

通關例。加盤之說。今亦有有用之者。而術每不驗。以其過於牽強。未見的據也。

卷中

辰宮命論。若六巳人太陰居未。又爲官星。更司祿主星。又得上盤之崇勳卦氣。豈不爲超倫出世之流。案司祿原本訛星祿。今改。

卷下

二百字真經。正垣氣旺。傍我無權。注。正垣者。七政各居十二爲宮。正垣如土垣在子。子謂正垣之所危之。近虛濱土之水。淺水之土皆近岸。案以虛危爲濱土之水。其說頗創。但考之各書。並無明證。術家好爲異議。往往如是。

法書要錄 唐張彥遠撰

卷五

述書賦。成帝則生知草意。注。元帝孫。明帝子。庾氏出。原本出訛內。據晉書改。

唐朝名畫錄 唐朱景玄撰

吳道玄條。上都唐興寺。案唐興。張彥遠名畫記作興唐。周昉條。都人競觀寺。抵園門。賢愚畢至。案抵園。宣和畫譜作接園。

張藻案藻歷代名畫記及廣川畫跋米氏畫史俱作藻。
陳閔條僧彥悰續畫品案續畫品係姚最著彥悰所著乃後畫錄此誤。
王墨者不知何許人亦不知其名案墨宣和畫譜作洽以其工于墨法故或呼爲王潑墨此云不知其名。
失考。

宋朝名畫評 宋劉道醇撰

卷一

武宗元條父道與丞相文惠公王隨爲布衣交刊本惠訛簡據宋史改。
張昉條昉不假朽畫奮筆立成刊本脫不字據書畫譜增。

卷二

許道寧條長安人案長安書畫譜作河間與此異。
龐從穆案從書畫譜作崇。

卷三

黃筌條李公宗諤見之賞其神異刊本諤訛鏐據宋史改。

益州名畫錄 宋黃休復撰

卷上

張素卿條。素卿有老子過流沙圖。刊本脫流字。據書畫譜增。

卷中

杜措。按措。書畫譜作楷。與此異。

蒲延昌條。故名曰辟邪。刊本名訛頭。據書畫譜改。

卷下

應夢羅漢歌。看經弟子擬聞聲。瞌睡山童疑有夢。刊本聞訛同。疑有訛欲成。又唐朝歷歷多名士。蕭子

雲兼。吳道子。刊本脫兼字。並據全唐詩改增。又詩名畫手皆奇絕。覩你凡人爭是人。刊本爭是人訛

事事精。據全唐詩改。

丘文曉條。文播弟也。刊本脫文字。據宣和畫譜增。

重寫前益州五長史真記。稽山高遜。刊本遜訛謝。又豈與夫年代既遠。刊本脫豈字。並據會昌一品集

改增。

圖畫見聞誌 宋郭若虛撰

卷一

論衣冠異制條。靴本胡服。趙武靈王好之。刊本脫武字。據唐韻增。

卷三

高益條。太宗在潛邸。刊本宗訛祖。今改。

林泉高致集 宋郭思編

山水訓。莫神于好。莫精于勤。原本上于字訛一。下于字訛致。並據書畫譜改。

黑池編 宋朱長文撰

卷一

字學門。漢許慎說文序。五曰。摹印。注。摹印。屈曲縝密。原本縝訛填。今改。又分別部居。注。分部相從。自許始也。原本自訛此。始訛殆。並據說文改。

晉江式論書表。任城呂忱表。上字林五卷。原本五訛九。據隋書經籍志改。

筆法門。晉衛恒四體書勢。轉注者。以老壽考也。原本老訛考。又禾卉莽孽以垂穎。原本莽孽訛莽。又似水露緣絲。凝垂下端。原本水訛水。又闕端字。並據晉書改補。唐歐陽詢傳授訣。瘦則形枯。原本則訛當。今改。

卷二

柳惲書。原本柳訛郗。今改。

梁庾肩吾書評。并略論。殆善射之不注。原本殆訛始。注訛鑄。今改。

卷三

品藻門。晉王獻之條。卽銅鞮伯華之行也。原本銅訛銓。據家語改。能品六十六人條。胡霈然。原本霈訛雷。據後傳改。

宋邵鍊條。嚴子陵祠堂記。原本祠堂訛釣臺。據范文正公集改。

卷四

宋尹師魯題楊少師書後。寶元元年四月八日尹洙題。原本脫一元字。又尹訛平。今並增改。

卷五

寶藏門。十七帖。卽貞觀中館本也。原本卽訛旣。今改。

卷六

器用門筆條。舐筆和墨。原本墨字上衍紙字。據莊子刪。
硯條。王子年拾遺記。原本記訛錄。今改。

紙唐舒元興條。流入於折楊皇琴中。原本折楊訛抑揚。據莊子改。

宣和書譜不著撰人名氏

卷三

唐李商隱條。王茂元出守河陽。刊本脫王字。據唐書增。

卷六

宋石延年條。延年醉題紅粉壁。鐵幹已剝昏烟煤。刊本鐵幹訛粉壁。據文忠集及墨池編改。

卷七

晉謝奕遷都督豫兗冀并四州事。刊本兗訛司。據晉書改。

卷八

唐虞世南條。族子纂、孫煥。皆能繼世。而風骨不逮。刊本煥訛郁。據寶泉述書賦改。

卷十

吳融條。祖翥有高世志。不應召辟。刊本翥訛翕。據唐書改。

書苑英華 宋陳思撰

卷一

王右軍題衛夫人筆陣圖。筆者刀稍也。原本稍訛稍。今改。

卷二

翰林密論。庾肩吾。原本庾訛庭。今改。

卷四

梁庾肩吾書品論。倚刀較尺。驗於成字。原本較尺訛欠夫。據墨池編改。

卷五

唐人評書。又如金剛噴目。力士揮拳。原本目訛身。今改。

卷十八

唐僧懷素傳。吳縑魯縞。不知其數。原本魯訛來。今改。

趙氏鐵網珊瑚 明趙琦美撰

唐張長史春草帖條。顏平原書家之集大成者。猶言杜詩。韓文。張法亦出於此也。原本張訛顏。據倪瓚清
祕閣集改。

卷四

東坡村醪帖條。此論未公。吾不憑。原本憑訛平。據東坡集改。

卷五

趙魏公二帖條。鷗波亭上墨如飛。原本鷗訛漚。今改。

卷七

南宮生條。高步野鶴。不嚇腐鼠。原本嚇訛嚇。據莊子改。

卷八

送虞勝伯條。笑爾自戕成濯濯。原本戕訛戕。據清祕閣集改。

卷十

盧賢母條。言存衿聲。原本衿訛衿。今改。

卷十三

錢舜舉白描五君詠圖條。識微在金奏。原本微訛微。據文選改。

珊瑚網 明汪珂玉撰

卷一

虞伯施東觀帖。正與顏太師錐畫沙屋漏痕同趣。原本師訛史。今改。

卷二

楊凝式夏熱帖。下筆便到烏絲闌。原本絲訛斯。今改。

卷四

鏡中別業。花朝連郭霧。雪夜隔湖鐘。原本鐘訛中。據全唐詩改。
嘉興縣內池閣。牀前沙鳥語。原本牀前訛林泉。據全唐詩改。

卷七

徽國文公朱夫子手帖。原本文下衍正字。據宋史刪。

卷十三

高季迪書南宮生傳。謂似婁君卿。原巨先。原本卿訛鄉。巨訛臣。並據漢書改。

卷十五

文衡山書拙政園記。可生而漁曰釣磯。原本磯訛碧。據文徵明集改。

衛夫人筆陣圖。紙取東陽漁網。原本網訛卯。據衛夫人筆陣圖改。
懷素論筆法。其痛快處。如飛鳥出林。原本出訛入。今改。

卷二十四上

梁庾肩吾書品。論其轉注假借之流。原本轉訛輔。今改。

卷二十五

輞川圖歌。湖原本歌訛歌。據王右丞集改。

卷三十三

水墨梅松蘭竹四友圖。初疑紫筵橫翠鳳。原本橫訛搭。據高士奇銷夏錄改。

卷三十四

山郭幽居圖。其畫遂名荆蠻民。原本遂訛道。據書畫譜改。

卷三十九

文太史自題諸畫。右題古石圖。原本石訛木。據停雲館題跋改。

墨池瑣錄 明楊慎撰

卷一

三代之鼎彝字畫條。點畫波磔。原本磔訛發。據書譜改。

卷二

薄紹之書條。杜度之後。以張爲祖。原本杜訛秋。據書畫譜。梁武帝草書狀改。

卷四

唐僧貫休條。小王破體咸支策。案全唐詩。王作山。咸作閒。與此異。

繪事微言 明唐志契撰

卷上

山條。土山曰阜。刊本脫曰字。今增。

山水節要條。遠則宜淡。近則宜濃。刊本淡訛輕。濃訛遠。今並改。
畫史條。一段枯梢作三折。分明雪後上窗時。刊本時訛詩。今改。

卷下

畫名條。松年一黃門。刊本黃門二字互倒。今改。

御定佩文齋廣羣芳譜

卷一天時譜

管子七十日而陰凍釋。刊本脫十字。據管子增。

李郢春日題山家依岡尋紫蕨。刊本蕨訛菊。據全唐詩改。

高觀國菩薩蠻。刊本脫國字。今增。

卷二

嚴維晦日宴遊山公還已醉。刊本山公訛出山。據全唐詩改。

范成大立春日郊行。春來不飲兼無句。刊本飲訛欲。據石湖集改。

冷朝陽立春風光行處好。刊本行訛何。據全唐詩改。

蘇軾減字木蘭花。染得桃紅似肉紅。刊本上紅字訛花。據東坡詞改。

卷三

溫庭筠寒食弱柳何窮縷。刊本縷訛綫。又流鶯隱員樹。刊本員訛園。並據溫集改。

來鵬清明日與友人遊玉粒塘莊。風急嶺雲飄迴野。刊本雲訛南。據全唐詩改。

卷四

司馬光初夏綠莎細軟不妨行。刊本莎訛荷。據宋詩鈔改。

王安石初夏卽事。石梁茅屋有彎碕。刊本梁訛渠。據王荊公集改。

嬾真子錄。澤草之所生。其地可種芒種。芒種。稻麥也。刊本脫下芒種二字。據周禮注增。

戴復古。刊本復訛履。今改。

卷五

黃滔秋色賦。刊本脫色字。又踰烏滅赫。刊本滅訛咸。並據賦彙增改。

李白秋登宣城謝眺北樓。山曉望晴空。刊本曉訛晚。據全唐詩改。

師拓曲江秋望。山遠嶂重出。刊本遠訛歸。據金詩改。

元德明山中秋夕。刊本德明二字訛作權字。據金詩改。

韋莊秋日早行。烟外驛樓紅隱隱。刊本外訛水。據全唐詩改。

歐陽修漁家傲。渚蓮未折庭梧老。刊本渚訛諸。今改。

禮記月令注。日月會於壽星。而斗建酉之辰也。刊本辰訛歲。據禮記注改。

陶潛九日閒居。露淒暄風息。刊本息訛急。據陶集改。

王維奉和聖製重陽節。應制城鴉拂曙烟。刊本鴉訛霞。據全唐詩改。

蘇軾南鄉子。刊本鄉訛柯。據詞律改。

卷六

乾之初九陽氣伏於地下。刊本陽上行日字。據前漢書刪。
唐太宗除夜共歡新故歲。刊本新訛觴。據全唐詩改。

卷七穀譜

元王楨芟麥歌。刊本脫元字。今增。

卷八

于頔傳命修復隄闕。歲獲秬稻蒲魚萬計。刊本修復二字互倒。獲訛穫。並據唐書改。
食貨志。取占城稻。擇民田高仰者蒔之。蓋旱稻也。刊本旱訛早。據宋史改。
水經注。風行象林。刊本行訛俗。據水經注改。
西域記。摩揭陀有異稻。刊本陀訛院。今改。
張籍江邨行。小姑採桑不餉田。刊本餉訛向。據全唐詩改。

卷九

焦氏易林。大雨淋集。刊本淋訛林。據易林改。
尙書考靈曜。春鳥星昏中以種稷。刊本星昏二字互倒。據禮記疏改。
本草注。孟狼尾。刊本孟訛孟。據爾雅改。

卷十

戰國策注。藿菽之少者。史記後語作非菽而麥。刊本非訛飯。據史記及高誘注改。
蘇軾豆粥。賣書來問東家住。刊本問訛向。據東坡集改。
方岳豆苗。一夜怒長堪冰菹。刊本菹訛苴。據秋崖小稟改。
膏車則滑。刊本膏訛營。據雞肋編改。

卷十一 桑麻譜

旬言陰均也。刊本均訛旬。據毛詩傳改。
毋有敢惰。刊本有敢二字互倒。據禮記改。
元后傳。太后幸繭館。刊本繭訛蠶。據前漢書改。
申屠蟠傳。蟠絕迹於梁碭之間。刊本碭訛碣。據後漢書改。

卷十二

詩陳風疏。幌氏以浼水漚其絲。刊本幌訛幌。據周禮改。
吳錄。交阯安定縣。刊本安定二字互倒。據文獻通考改。
下種須用石砧砧實。刊本砧訛碗。據原羣芳譜改。

卷十三 蔬譜

薑氣味辛。孕婦忌食。令兒盈積。刊本積訛指。據原羣芳譜改。
司馬相如子虛賦。刊本脫子虛二字。據原羣芳譜增。

西陽雜俎。胡椒生西戎摩伽陁國。刊本陁訛拖。據西陽雜俎及唐書改。

卷十四

吳寬紫芥。滿目爛斑布地來。刊本爛訛爛。今改。

卷十五

孟夏之月靡草死。刊本靡訛靡。據禮記及鄭注改。

卷十六

元戴帥初。刊本脫帥字。今增。

卷十七

范桴種瓠。因樹爲架。蔓緣不已。刊本緣訛綠。今改。

糟茄用鹽礬末酒糟十觔拌勻入罈。刊本酒訛法。拌訛抹。今並改。

黃葷。注性峭硬有味。刊本性訛味。今改。

野菜譜。正二月和根採之。刊本根訛羹。今改。

和穀煮食。刊本煮訛著。今改。

卷十八茶譜

龍鳳皆團片。刊本團訛圍。據文獻通考改。

卷十九

陸龜蒙茶人。間來北山下。刊本來訛年。據松陵集改。

蔡襄茶壠。戢戢抽靈芽。刊本靈訛雲。據宋詩鈔改。

卷二十

梅堯臣嘗新茶。味久迴甘竟日在。刊本久訛甘。據宛陵集改。

黃庭堅以小龍團贈無咎。探囊贈君諾已宿。刊本探訛擔。又以雙井茶送孔常父。刊本常訛章。並據山谷集改。

谷集改。

卷二十二花譜

朱子梅花賦。旣奇服之眩耀兮。刊本眩訛曜。據朱子文集改。

卷二十三

林逋梅花詩。客休徵故事題。刊本客訛俗。據宋詩鈔改。

楊萬里梅花下小飲。爲攜竹葉澆瓊樹。旋折冰葩浸玉盃。刊本澆訛洗。旋訛捉。並據宋詩鈔改。

劉克莊落梅飄如遷客來過嶺。刊本遷訛僊。據宋詩鈔改。

王初春日詠梅花。直似王家雪下時。刊本王詛黃。據全唐詩改。
明卓敬栽梅。刊本脫栽字。今增。

卷二十四

高歡國金人捧露盤。冷香夢吹上南枝。刊本吹訛吟。據竹屋癡語改。
東方朔傳。訖不得飲。刊本闕飲字。今補。

卷二十六

趙福元朝陽影裏燦紅瓊。刊本脫燦字。據原羣芳譜增。
薛能桃花何必在臨邛。刊本邛訛印。今改。

卷二十八

李商隱櫻桃花下。流鶯舞蝶兩相欺。刊本欺訛期。據義山集改。
孫逖詠石榴海上移珍木。刊本珍訛珠。據全唐詩改。

卷二十九

輟耕錄。誰知咫尺京城外。刊本咫訛只。今改。
夏侯湛芙蓉賦。擢修莖乎清波。刊本擢訛擇。據賦彙改。
歐陽修荷花賦。步蘭塘以清暑兮。刊本塘訛堂。據歐陽集改。

卷三十一

歐陽修漁家傲。誰傍暗香輕採摘。刊本輕訛誰。據六一詞改。

卷三十二

歐陽修洛陽牡丹花品序。洛陽城圍數十里。刊本圍訛圓。今改。

卷三十三

權德輿牡丹歌。豔蕊鮮房次第開。刊本鮮訛仙。據全唐詩改。

卷三十四

吳文英漢宮春。沈香檻北。刊本北訛曲。又猩脣露紅未洗。刊本露訛霞。又蘭詞沁壁。刊本詞訛詩。壁

訛碧。並據夢窗乙藁改。

卷三十六

陸游海棠。譏彈更到無香處。刊本到訛道。據劍南集改。

卷三十七

尹廷高瓊花。欲覓殘英一片難。夜靜月明猿鶴唳。刊本英訛陰。鶴訛夜。並據宋詩鈔改。

山礬一名栝花。刊本栝訛栝。今改。

卷三十八

白居易題木蘭花。怪得獨饒脂粉態。刊本怪訛悟。據香山集改。

朱子謝劉平甫分惠水梔。淒涼杜老江頭句。坐對行吟得白箴。刊本句訛坐。坐訛又。並據朱子文集改。

卷三十九

荔支以鹽梅滷浸佛桑花。刊本脫滷字。據荔支譜增。

虞集木芙蓉。九月襄王宴渚宮。刊本王訛襄。據元詩選改。

卷四十

陸龜蒙詠小桂。騷人聊自怡。刊本怡訛娛。據松陵集改。

劉子輦木犀。化工客幽香。刊本化訛畫。據宋詩鈔改。

卷四十一

蘇轍山茶。根株老大衆緣稀。刊本緣訛園。據穎濱集改。

毛滂踏莎行。粟玉玲瓏。刊本粟訛粟。據東堂詞改。

蔡松年江城子慢。刊本城訛神。據詞律改。

卷四十二

劉克莊賀新郎。未肯讓臘梅花著。刊本未訛臉。據後邨別調詞改。

謝朓詠薔薇。誰肯盼微叢。刊本微訛薇。據宣城集改。

卷四十三

蘇軾減字木蘭花。刊本脫減字二字。據詞律增。

卷四十四

周弘讓山蘭賦。非延佇之能泊。刊本佇訛貯。據賦彙改。

陳旅題畫蘭。刊本旅訛旋。今改。

劉克莊詠蘭。蕭艾榮枯各有時。刊本時訛意。據宋詩鈔改。

卷四十五

楊萬里芍藥。暖豔晴香正可憐。刊本晴訛清。據宋詩鈔改。

楊東山開殘芍藥更無花。刊本開訛門。據原羣芳譜改。

卷四十六

晏殊金燈花。蘭膏麝處光猶淺。刊本膏訛香。據宋詩鈔改。

卷四十七

梁棟黃葵紅紫誰敢隣。刊本隣訛憐。今改。

卷四十九

駱賓王尋菊序。下木葉於中池。廚烹野鴈。刊本池廚二字互倒。據駱丞集改。

楊炯庭菊賦周琮李憲王祖英曹叔文以儒術進刊本文訛父據文苑英華改。
蘇洵菊德備黃中美刊本備訛佩據老泉集改。

卷五十

楊萬里買菊百錢擔上買一株刊本百訛間據誠齋集改。

高啓五月菊我意甘遲暮刊本意訛旨據青邱集改。

卷五十一

黃庭堅南鄉子寂寞酒醒人散後刊本散訛醉據山谷詞改。

歐陽修漁家傲落葉西園風嫋嫋刊本葉訛落據六一詞改。

卷五十二

羅鄴雞冠花露滴風搖倚砌旁刊本倚訛向據全唐詩改。

楊萬里水仙花待倩春風作媒妁刊本妁訛却今改。

無名氏偷聲木蘭花刊本偷聲訛減字據詞律改。

卷五十三

袁桷謝送練春紅倚闌岸幘領孤芳刊本領訛倚據元詩選改。

卷五十四 果譜

玄晏春秋。子陽今之妙士也。刊本脫士字。據原羣芳譜增。

晏子春秋。吾再搏乳虎。刊本搏乳訛拜隱。又吾仗兵而御三軍者再。刊本脫再字。據晏子春秋改增。

楊萬里嘗桃。一是栽花一買來。刊本買訛賣。今改。

卷五十五

洞冥記。塗山之背有梨。大如升。刊本脫之有二字。據洞冥記增。

卷五十六

顧况櫻桃曲。刊本曲訛園。據全唐詩改。

楊循吉食楊梅。初閒生酸帶青色。刊本帶訛對。又黃船奉貢晝夜走。刊本貢訛供。並據明詩改。

卷五十七

謝瑱詠柰花。爲君聊贈遠。刊本君訛言。據古詩紀改。

史達祖留春令。秀肌豐鬢。韻多香足。刊本秀訛香。據梅溪詞改。

宋祁蒲桃賦。誠繁實之披心。刊本實訛寶。據賦彙改。

潘岳閒居賦。磊落蔓衍乎其側。刊本側訛閒。據文選改。

卷五十九

陸游買石榴薦酒。喚取風流醋醋來。刊本醋訛措。據劍南集改。

卷六十

曹元理嘗過友人陳廣漢。刊本過訛。遇據西京雜記改。
曹鞏擬貢荔支狀。比巴蜀南海。又爲殊絕。刊本蜀訛屬。今改。

卷六十一

張九齡荔支賦序。味以無比而疑。刊本比訛味。據賦彙改。

卷六十二

蘇轍荔支歎。得歸便擬尋鄉路。刊本便訛使。據欒城集改。

卷六十三

杜甫解悶。側生野岸及江蒲。刊本野訛江。據杜工部集改。

徐渤紅粉溫泉宮裏洗鉛華。刊本鉛訛沿。今改。

蘇軾減字木蘭花。不貢奇葩四百年。刊本百訛十。據東坡詞改。

卷六十四

陸龜蒙蠹化腹填而攜。刊本填訛瑣。又秀其外類有文也。默其中類有德也。刊本兩有字俱訛其。並據

笠澤叢書改。

楊萬里橋花。縹盜汲寒砌。刊本盜訛姿。據誠齋集改。

陸龜蒙春橘。應是親封白帝烟。刊本是訛自。據松陵集改。

卷六十五

杜甫甘園干柑二頌園。刊本園訛田。據杜工部集改。

卷六十六

王逸魯靈光殿賦。菌菴紛敷。刊本敷訛披。據文選改。

卷六十七

見聞錄。呂文穆蒙正。刊本蒙訛文。據宋史改。

傅玄瓜賦。敷碧綠之純采。刊本采訛朱。據賦彙改。

陸機瓜賦。背芳春以初栽。刊本栽訛戴。又邁秀颺之緜緜。刊本邁訛延。

相並據賦彙改。又象椒聊之衆。多刊本象訛。

張載瓜賦。綠瓢內醲。刊本醲訛釀。據賦彙改。

劉子暈謝人送瓜。離離虎掌遍山南。刊本山南二字互倒。今改。

阮籍。近在青門外。刊本青訛東。據文選改。

卷六十八 木譜

金陵記。見一使者異服。牽一白犬。刊本犬訛羊。據原羣芳譜改。

卷七十

唐書回鶻傳。有川曰康干河。刊本干訛于。據唐書改。
種藝以土覆藏。毋使露根。刊本根訛樹。今改。

卷七十一

朱博傳。常有野鳥數千棲宿其上。刊本鳥訛烏。據漢書改。

魏徵柏樹賦。美景麗乎中園。刊本園訛國。今改。

溫庭筠晉朝柏樹題處。尚尋王內史。刊本史訛使。據溫飛卿集改。

蘇轍任氏大檜。遺愛自知懷舊邑。刊本愛訛受。據樂城集改。

皮日休雙矮檜。撲地枝迴是翠鈿。刊本枝訛枚。據全唐詩改。

卷七十二

范攄古杉行。蒼皮樹裏漸欲合。刊本裏訛裏。據元詩選改。

敬括豫章賦。夕皓巫山之月。刊本夕訛名。據賦彙改。

卷七十三

嵇康琴賦。岝嶸峗峗。刊本峗訛岑。據文選改。

王融桐樹賦。蹤楚宮而留稱。刊本蹤訛縱。據賦彙改。



卷七十四

榆一名蘊莖。刊本莖訛莖。據爾雅改。

卷七十六

魏文帝柳賦。行旅仰而迴睇。刊本旅訛施。據賦彙改。

羅紹威柳好向行人贈一枝。刊本行訛仁。據全唐詩改。

徐夔柳年年先翠報春歸。刊本先訛光。據全唐詩改。

卷七十七

李山甫柳無賴秋風斗覺寒。刊本覺訛柄。據全唐詩改。

卷七十八

周彥芳蝶戀花。葉暗藏鴉。刊本暗訛葉。據片玉詞改。

楊巨源楊花落。菲紅拂黛憐玉人。刊本菲訛飛。據全唐詩改。

卷七十九

杜甫枯櫟。青青歲寒後。刊本青青訛青黃。據杜工部集改。

卷八十

三輔黃圖。刊本輔訛轉。今改。

郭璞若木贊爲力爲神。刊本神訛仁。據郭景純集改。

迷穀贊。上映重霄。刊本重訛垂。據郭景純集改。

爾雅疏。棟木理赤者爲赤棟。一名榑。刊本榑訛棟。據爾雅疏改。

卷八十一

本草千歲藥。注冬不凋。刊本不訛只。今改。

卷八十二竹譜

棘竹。注枝節皆有刺。刊本枝訛拔。據竹譜改。

湘中記。刊本中字下衍一中字。今刪。

夢溪筆談。大河南崩入地數十尺。刊本尺訛丈。又得筍一林。凡數百莖。刊本脫數字。並據夢溪筆談改。

增。

卷八十三

晁補之有竹堂記。客蹶然而笑。刊本蹶訛輒。據莊子改。

戴凱之竹譜。江漢之間謂之箴竹。刊本箴竹二字互倒。又箴訛箴。又懸根百仞。刊本百訛有。又籊筴。

挺節。刊本筴訛筴。又作貢漢陽。刊本漢訛漁。並據竹譜改。又筴生於蜀。刊本筴訛筴。據蜀都賦改。

李程竹箭有筠賦。同受氣於真宰。刊本脫同字。據賦彙增。

楊維禎方竹賦。智或有窮兮。刊本脫兮字。據原羣芳譜增。

卷八十四

李益竹篔。採摘愧芳鮮。刊本摘訛擇。據全唐詩改。

歐陽修竹林小飲。晚筍堪薦豆。刊本堪訛添。據歐陽集改。

郎士元和發竹。多時仙徑裏。刊本徑訛擁。據全唐詩改。

黃康對竹。露葉晴猶濕。刊本晴訛情。據元詩選改。

卷八十六

齊東野語。及來黔中。黔人冬掘苦筍。刊本脫中黔二字。據齊東野語增。

李尤七欸。刊本欸訛疑。據李蘭臺集改。

徐夤筍鞭。寸寸珠連。巨蚌胎。刊本連訛簾。今改。

李賀新筍。別却園地數寸埃。刊本埃訛泥。據昌谷集改。

卷八十七 卉譜

長編。景祐四年。有芝生於化成殿柱。刊本祐訛佑。據宋史改。

蘇軾石芝。滿堂坐客皆盧胡。刊本盧胡二字互倒。據東坡集改。

皮日休。盡日嗅金芝。刊本金訛全。據全唐詩改。

卷八十八

裘萬頃菖蒲兩目不復昏。刊本兩訛面。據宋詩鈔改。
爾雅注黃華華黃葉似菝葜。刊本菝訛莩。據爾雅注改。

卷八十九

唐彥謙庭莎疎蔭託高桐。刊本託訛說。據全唐詩改。
蔣防轉蓬賦觀其轉也嗟行靡不之。刊本之訛知。據賦彙改。
嵇康答難養生論。刊本論訛語。據嵇中散集改。

卷九十

爾雅蕪蕪葢。刊本葢訛董。據爾雅改。
王貞白蘆葦未織巴籬護。刊本織訛識。據全唐詩改。

卷九十一

爾雅云萍萍。刊本萍訛萍。今改。
謝翱萍間穉荷荷生浮其間。刊本荷訛花。據宋詩鈔改。

卷九十三 藥譜

韓翃刊本翃訃翃。據唐書改。

稽神錄聞獸走以爲虎而懼。因念得上樹杪乃生也。刊本念得二字互倒。今改。
爾雅蓼繞蕪蕪。刊本蕪訛苑。據爾雅改。

卷九十五

荆三稜。開花白色。如蓼葑花。刊本葑訛紅。據本草綱目改。
衍義云。世稱此爲南薄荷。刊本南訛苗。據本草綱目改。

卷九十六

陸機詩疏。今或謂之耳璫草。刊本草訛耳。據詩疏改。
夢溪筆談。地菘。卽天名精也。刊本地訛松。又妄認地菘爲火蕪。刊本火訛大。並據夢溪筆談改。
地膚。七月開黃花。子色青。刊本色下衍生字。今刪。

卷九十七

本草綱目。醉魚草。南方處處有之。枝易繁衍。刊本枝訛校。今改。
何蘧春渚紀聞云。刊本蘧訛遠。今改。

卷九十八

野狐絲。刊本脫野字。據本草綱目增。
使君子。輕盈如海棠。刊本盈訛虛。今改。

本草綱目。赭魁大者輪囷如升。刊本脫困字。今增。
海棠實治邪氣。諸痺疹酸。續絕傷。刊本絕訛純。今改。
開寶本草。突厥白似牽牛而紫。上有白稜。刊本稜訛凌。今改。
本草綱目。藤長八九尺。或一二丈。大如拇指。刊本拇訛莓。今改。

卷九十九

本草拾遺。鳩鳥漿。生江南林木下。刊本林訛杖。今改。
蘇軾。薏苡春爲芡珠圓。刊本春訛春。據東坡集改。
爾雅云。椒掇醜菜。刊本菜訛球。據爾雅改。
離騷。雜申椒與菌桂兮。刊本菌訛箇。據楚辭改。


卷一百

本草綱目。厚朴葉如榭葉。刊本榭訛榭。今改。
五加。蘄州人呼爲本骨。刊本骨訛首。據本草改。
枸杞根之皮名地骨皮。古以常山者爲上。刊本常訛章。今改。
抱朴子。任子季服茯苓十八年。玉女從之。能隱能彰。刊本任訛王。隱訛影。並據抱朴子改。

著者 (清) 王太岳等撰 書碼 082.47
 Author Call No. 7437
 書名
 Title 四庫全書考證：(二一) 21

登錄號碼
 Accession No. 007491

月 Date	日 Date	借閱者 Borrower's Name	月 Date	日 Date	借閱者 Borrower's Name



國立中央圖書館

082.47 007491

7437

書碼 21

登錄號碼

國立中央圖書館



0007491



.47
7

籍